






Anansi kaj saĝeco

-  Ghanaian folktale
-  Wiehan de Jager
-  Espen Stranger-Johannessen
-  3
-  Esperanto eo



Longe, longe antaŭe la homoj ne sciis ion ajn. Ili ne sciis kiel farmi kultivaĵojn aŭ kiel teksu tukojn aŭ kiel fari ferajn ilojn. La dio Nyame supre en la ĉielo havis ĉiun saĝecon de la mondo. Li tenis ĝin sekura en argila kruĉo.



Unu tagon, Nyame decidis ke li donos la kruĉon de saĝeco al Anansi. Ĉiam kiam Anansi rigardis en la argilan kruĉon, li lernis ion novan. Ĝi estis tiel ekscita!



Avida Anansi pensis, "mi tenos la kruĉon ĉe la supro de alta arbo. Tiel mi povas havi ĉion por mi mem!" Li ŝpinis longan fadenon, bobenis ĝin ĉirkaŭ la argilan kruĉon kaj ligis ĝin al sia stomako. Li komencis grimpi la arbon. Sed estis malfacile grimpi la arbon kun la kruĉo frapanta liajn genuojn la tutan tempon.



La tutan tempon la juna filo de Anansi estis observanta malsupre ĉe la trunko de la arbo. Li diris, "Ĉu ne estus pli facile grimpi se vi anstataŭe ligus la kruĉon al via dorso?" Anansi provis ligi la argilan kruĉon plenan de saĝeco al sia dorso, kaj tio vere estis multe pli facila.



Tujtuje li atingis la supron de la arbo. Sed tiam li haltis pensante, "mi devus esti tiu kiu havas ĉiun saĝecon sed jen mia filo estis pli lerta ol mi!" Anansi estis tiel kolera pri tio ĉi ke li ĵetis la argilan kruĉon malsupren for de la arbo.




Ĝi frakasiĝis en pecojn sur la tero. La saĝeco estis libera por dividiĝi inter ĉiuj. Kaj tiel la homoj lernis farmi, teksti tukojn, fari ferajn ilojn, kaj ĉiujn aliajn aferojn kiujn homoj scias fari.



Global Storybooks

globalstorybooks.net

Anansi kaj saĝeco

 Ghanaian folktale

 Wiehan de Jager

 Espen Stranger-Johannessen

